

四庫全書

子部

欽定四庫全書

玉海卷八十七

宋 王應麟 撰

器用

圭璧

玉器附

良玉比德君子圭璋見美詩人

黃帝玉策 堯玉版 禹玉牒

後漢張衡傳注山海經曰西北曰密山黃帝取密山之

王策穆天子傳注作王榮投之鍾山陰蔡邕傳鍾山之王注同選注引此云密山是生立

玉按山海經黃帝取崧山之玉榮注謂玉華也汲冢書所謂昭華之玉崧即密字拾遺記堯

聖德光洽河洛之濱得玉版方尺圖天地之形又獲金

璧之瑞文字炳列記造化之始後漢郡國志注湘中

記曰衡山有玉牒禹案其文以治水遙望衡山如陣雲

盛弘之荊州記禹登南岳而祭之獲金簡玉字之書

祝融司方發其英沐日浴月百寶生

堯禹氏玉 舜昭華玉

管子揆度篇對桓公曰堯舜之王所以化海內者北用

禹氏之玉

禹氏西北戎名玉之所自出
周書王會篇禹氏駒駘

南貴江漢之珠

令諸侯之子將委質者皆以雙虎之皮為裘卿大夫豹

飾列大夫豹幘外紀高陽薦玉以赤繒高辛以黑繒

堯以白繒尚書大傳堯得舜推而尊之贈以昭華之

玉

淮南子泰
族訓同

文選石闕銘受昭華之玉納龍叔之圖

注引大傳云云王元長曲水序昭華之珍既徒注同上

堯璧

尚書中候堯沉璧於河白雲起 帝王世紀堯刻璧為書東次於洛言當傳舜之意 淮南子禹不貴尺璧而重寸陰

堯五瑞

子華子堯居於衢室之中輯五瑞以見羣后帶幅舄而入覲者如衆星之拱北

舜五瑞 五玉 五器

書舜典輯五瑞注公侯伯子男之瑞圭璧既月乃日覲四岳羣牧班

瑞於羣后

還五瑞於諸侯

肆覲東后修五禮五玉

五等諸侯執其玉如

五器

器謂圭璧五玉即上文五瑞鄭玄云執之以為王者瑞信故稱瑞

疏諸侯執之以為王者瑞信故稱瑞曰瑞陳列曰玉器

即五玉是也

典瑞注人執以見曰瑞禮神曰器疏人執亦名器

史記正義孔文詳

云宋末會稽修禹廟於土中得五等圭璧百餘枚形與周禮同皆短小此禹會諸侯以禮山神

虞三帛

舜典三帛注謂諸侯世子執纁公之孤執玄附庸之君

執黃

王肅注多同三法天纁二法地

公羊傳注東帛謂玄三纁二玄

周禮孤與世子皆執皮帛

曲禮正義禮說含文嘉云天子三公諸侯皆以三帛以
薦玉宋均注云其殷禮三帛謂朱白倉象三正其五帝
之禮薦玉用一色之帛鄭注虞書三帛高陽氏之後用
赤繒高辛氏之後用黑繒其餘用白繒其餘謂堯舜之
諸侯

禹延喜玉 玉圭

尚書璇璣鈴天錫禹立圭刻曰延喜之玉

注禹功乃成
天錫立圭

文選延喜之玉
攸歸注引同上

遯甲開山圖禹遊東海得玉珪碧色

長一尺二寸圓如日月以自照目達幽冥

文選注引之
又張衡傳注

書正義堯賜玄圭以彰顯之必以天色圭者言天功

成也 禹貢雍州貢球琳

夏后氏璜

左傳定四年祝佗曰成王分魯公以夏后氏之璜

美玉名

八年盜竊寶玉

注夏后氏之璜

哀十四年向魘出

於衛地公文氏攻之求夏后氏之璜 明堂位大

璜封父龜 淮南子夫有夏后氏之璜匣匱而藏

之寶之至也精神之可寶非直夏后氏之璜也夏

后之璜不能無考

注半璧曰璜珍玉也

魯語古者分同姓

以珍玉展親也注玉謂若夏后氏之璜書中侯

太公即磻溪之水釣其涯得玉璜刻曰姬受命呂

佐旌山海經海外西經大樂之野夏后啓於

此儻九代馬名乘兩龍雲蓋三層左手操翳右手

操環佩玉璜在大運山北禹貢揚州貢璠琨

梁州貢璆雍州厥貢惟球琳琅玕淮南子禹

禹不貴尺璧而惜寸陰

湯球玉 二玉

商頌長發受小球大球注球玉箋湯既為天所命則受
小玉謂尺二寸圭也受大玉謂琕長三尺執圭措琕與
諸侯會同疏受小球玉謂尺二寸之鎮圭也大球玉謂
三尺之琕也受此二玉為下國諸侯之表章鄭言湯受
二玉與諸侯會同諸侯心繫天子如旌旗之旒綴著於
繆春官典瑞云王晉大圭執鎮圭以朝日覲禮云拜日

東門之外注引朝事儀曰天子冕而執鎮圭率諸侯朝日退而見諸侯考工記玉人云天子所服所守惟此二玉而玉人云天子執冒四寸以朝諸侯者此謂國外會

同彼謂在國受朝也

下諸侯故執冒周禮疏與下國結定其心故執鎮圭不執冒

書序湯伐三朥俘寶玉

注玉以禮神故取而寶之

誼伯仲伯作典寶

言國之常寶

玉藻笏天子以球玉

注球美玉也

通歷殷湯有

黃金黑玉之瑞

禹貢球雍州所貢

周天球在東

序

周六瑞

春官大宗伯以玉作六瑞以等邦國王執鎮圭公執桓

圭侯執信圭伯執躬圭子執穀璧男執蒲璧典瑞中士二人

掌玉瑞之藏云云 秋官小行人成六瑞王用鎮圭公

用桓圭侯用信圭伯用躬圭子用穀璧男用蒲璧注瑞信也

皆朝見所執以為信 成其等邦國之用 舜
典言五瑞而大宗伯言六瑞者兼王而言也

冬官

玉人天子用全純玉上公用虡虡雜色侯用瓚伯用將皆雜名卑

者下尊以輕重為差公侯四
玉一石伯子男三玉二石 繼子男執皮帛謂公之孤也 贄用束

帛而以豹皮表之為飾
天子之孤表帛以虎皮

周鎮圭 瑱圭

大宗伯王執鎮圭注鎮以安四方蓋以四鎮之山為瑑

飾圭象仁鎮以鎮四方山體仁以養萬物執者守而不失德顯於仁也

典瑞王晉大圭

執鎮圭纁藉五采五就以朝日注纁有五采文所以薦
玉木為中幹用韋衣而畫之故書鎮作瑱五就五币也

小行人王用瑱圭

瑱劉吐電反釋文宜作瑱音

玉人鎮圭尺有

二寸天子守之

疏詩注小球尺二寸禮緯天子純玉尺二寸
三禮圖凡圭廣三寸厚半寸剡

上左右各半寸天子圭中必必以組約其中執之以備失墜 疏必絢組

周桓圭 信圭 躬圭 命圭

大宗伯公執桓圭

注公二王後及王之上公雙植謂之桓桓宮室之象所以安其上也亦以

桓為琢飾疏桓謂若屋之桓桓植即稜也下二稜著圭不見惟有上二稜故云雙植 桓圭言其德之植立不

撓足以輔乎王

侯執信圭 伯執躬圭

信當為身身圭躬圭皆象人形為琢飾文有麤縟耳

欲其謹行以保身 信圭言其德之伸而直躬圭言其躬而屈舊圖琢為人形誤矣

典瑞掌玉

瑞玉器之藏辨其名物與其用事設其服飾

人執以見曰瑞禮神

曰器公執桓圭 侯執信圭 伯執躬圭 繅皆三采 三就以朝

覲宗遇會同於王諸侯相見亦如之

春秋傳曰邦子執玉高其容仰

大行人以九儀等諸臣之爵上公之禮執桓圭九寸纁

藉九寸冕服九章諸侯之禮執信圭七寸纁藉七寸冕

服七章諸伯執躬圭其他皆如諸侯之禮 玉人之事

命圭九寸謂之桓圭公守之命圭七寸謂之信圭侯守

之命圭七寸

故書或云五寸杜子春云當為七寸

謂之躬圭伯守之

注命圭王

所命之圭也朝覲執馬居則守之疏策命諸侯之時非直加之以車服以圭授之為瑞信

唐張仲

素信圭賦將比德以省躬云云比楚王之無瑕晒夏璜

之有考 吳語命圭有命固曰吳伯 左傳朝聘有珪

周穀璧 蒲璧

大宗伯子執穀璧男執蒲璧注穀所以養人蒲為席以
安人二玉蓋或以穀為飾或以蒲為瑑飾璧皆徑五寸
不執圭者未成國也 典瑞子執穀璧男執蒲璧繅皆
二采繅再就以朝覲宗遇會同于王諸侯相見亦如之
注鄭司農云以圭璧見于王覲禮曰侯氏入門右坐奠
圭再拜稽首侯氏見于天子諸侯亦執圭璧以相見

大行人諸子執穀璧五寸纁藉五寸冕服五章諸男執

蒲璧其它皆如諸子之禮 小行人成六瑞公用桓圭

侯用信圭伯用躬圭子用穀璧男用蒲璧

不言執而言用言其為上

下之所通用尊卑有定用名分正而禮法嚴故謂之成

子華子吾之宗君始有

蒲璧以朝 雜記圭子男五寸注子男執璧此失之

覲禮乃朝以瑞玉有纁注瑞玉謂桓圭至蒲璧 沈括

云今人得蒲璧刻文如蒲花數時穀璧如粟粒

周大圭 介圭

玉人大圭長三尺杼上終葵首天子服之注王所搢大圭也或謂之琕終葵椎也為椎於杼上明無所屈也杼綱也相玉書曰琕玉六寸明自炤疏以其長故稱大圭搢於衣帶之間同於衣服故以服言之齊人謂椎為終葵 典瑞王晉大圭執鎮圭繅藉五采五就以朝日注繅有五采文所以薦玉木為中幹用韋衣而畫之就成也故書鎮作瑱鄭司農云晉讀為搢謂插於紳帶之間若帶劔也五就五布也

易氏曰圭以大名象道之體三尺為數象道之成杼上終葵首

象道之用不琢象天道之質朝日次於祀天故
晉之三禮圖曰比它圭最長故謂之大圭

詩崧

高錫爾介圭以作爾寶箋圭長尺二寸謂之介非諸侯
之圭故以為寶諸侯之瑞圭自九寸而下 韓奕以其

介圭入覲于王箋覲於宣王奉享禮貢國所出之寶書

曰黑水西河貢璆琳琅玕疏毛氏於崧高以介圭為所

執之瑞 魯語大采朝日少采夕月注周禮王搢大圭

執鎮圭藻五米五就少采三采也 左傳衮冕黻珽疏

珽一名大圭 荀子天子御珽諸侯御荼大夫服芴禮

也注茶古舒字王之上員下方者

禮象琕與大圭異琕無所屈天子

見諸侯見卿大夫之笏也大圭推其上猶諸侯茶前屈後直見天地見先王之笏也琕玉六寸大圭長三尺明非一物王執鎮圭晉大圭鎮圭尺有二寸故大圭長三尺王執冒措琕冒圭四寸故琕六寸

周冒圭

玉人天子執冒四寸以朝諸侯天子用全注名玉曰冒者言德能覆蓋天下也四寸者方以尊接卑以小為貴

全純色也疏案書傳云古者圭必有冒言不敢專達之

義天子執冒以朝諸侯見則覆之注云君恩覆之臣敢

進此冒朝覲諸侯時執之

詩疏在國受朝下諸侯故執冒

書上宗奉

同瑁

注見上

疏禮天子執瑁者諸侯即位天子賜之以命

圭圭頭邪銳其瑁當下邪刻之其刻濶狹長短如圭頭

諸侯來朝執圭以授天子天子以瑁之刻處冒彼圭頭

若大小相當則是本所賜其或不同則圭是偽作知諸

侯信與不信故天子執瑁所以冒諸侯之圭以齊瑞信

猶今之合符以一瑁冒天下之圭則公侯伯之圭濶狹等也此瑁惟冒圭不冒璧 易氏曰其形方正其制邪刻之天子之冒圭邪刻其下而諸侯之瑞圭邪銳其首合以為驗

周六器 禮神玉

大宗伯以玉作六器以禮天地四方以蒼璧禮天黃琮禮地青圭禮東方赤璋禮南方白琥禮西方玄璜禮北方皆有牲幣各放其器之色云云涖玉鬯注玉禮神之

玉也疏天地有禮神之玉無鬱鬯宗廟無禮神之玉而有鬱鬯宗廟仍有圭瓚璋璣亦是玉 天府季冬陳玉以貞來歲之繖惡注陳玉陳禮神之玉 典瑞掌玉器之藏注禮神曰器 大祭祀大旅凡賓客之事共其玉器而奉之 郊特牲疏五時迎氣其中央無文先師以為亦用黃琮熊氏以為亦用赤璋 三禮義宗云昊天及五精之帝圭璧皆長尺二寸

周蒼璧

大宗伯以蒼璧禮天

徑九寸好三寸兩邊各三寸

注此禮天以冬至

謂天皇帝在北極者也禮神又象其類璧圓象天疏
蒼是天色故用蒼此六玉所用上璧下琮覲禮惟上圭
下璧與此違彼上下之神是日月故陳玉與此不同

爾雅肉倍好謂之璧

肉邊也好孔也

三禮圖阮鄭二圖皆云

蒼璧九寸厚寸

周黃琮

大宗伯以黃琮禮地

剡出一寸六分長八寸厚一寸

注禮地以夏至謂

神在崑崙者也琮八方象地疏用黃琮依地色

黃者中之色

郊特牲疏祀中央黃帝亦用黃琮宜九寸以別於地

祇開元禮避諱云禮西方白帝以騶虞晉中興書云白

琥尾參倍其身

周青圭 赤璋

大宗伯以青圭禮東方

徑九寸厚寸博三寸剡上各一寸半

以赤璋禮南

方注禮東方以立春謂蒼精之帝而太昊勾芒食焉禮

南方以立夏謂赤精之帝而炎帝祝融食焉圭銳象春

物初生半圭曰璋象夏物半死疏雜記圭剡上左右各寸半公羊傳璋判白

周白琥 玄璜

大宗伯以白琥禮西方

長九寸廣五寸高三寸

以玄璜禮北方注

禮西方以立秋謂白精之帝而少昊蓐收食焉禮北方以立冬謂黑精之帝而顓頊玄冥食焉琥猛象秋嚴半璧曰璜象冬閉藏地上無物惟天半見也

疏半璧曰璜者逸禮記文

色黃 春秋傳 賜子家雙琥

周四圭

典瑞四圭有邸以祀天旅上帝注鄭司農云於中央為璧圭著其四面一玉俱成爾雅曰邸本也圭本著於璧圭末四出故也祀天謂夏正郊天上帝五帝也疏用一大玉琢出中央為璧形亦肉倍好為之四面琢各出一圭四廂圭各尺二寸與鎮圭同其璧為邸蓋徑六寸總三尺與大圭長三尺又等故云一玉俱成也或說四圭有邸有四角也以無正文故兩釋之 玉人四圭尺有

二寸以祀天

易氏曰四圭備天德也尺有二寸備天數也

典瑞共其玉器

注謂四圭裸圭之屬

三禮圖四圭亦博三寸厚寸

色赤

周官義四圭卽璧兩圭卽琮

典瑞掌其用玉人掌

其制

周兩圭

典瑞兩圭有卽以祀地旅四望

三禮圖色青璧兩邊各琢一圭長二

於六寸

寸注兩圭者以象地數二也儻而同卽祀地謂所祀於

北郊神州之神疏儻謂兩足相向兩圭亦兩足同卽四

圭同邸者亦是各自兩足相向 玉人兩圭五寸有邸
以祀地以旅四望注邸謂之抵有邸儻其本也疏一玉
俱成兩圭足相對為儻 易氏曰天以健為體其德無
不周故其用為四圭地以順為體其德有所止故半之
為兩圭

周裸圭 玉瓚 裸器 裸玉 魯鬯圭 漢

瓚槃

春官典瑞裸圭有瓚以肆先王以裸賓客注鄭司農云

於圭頭為器可以挹匱裸祭謂之瓚國語謂之匱圭

魯語

臧文仲以匱圭如齊告糴 鄭瓚掌玉瓚 明堂位灌
用玉瓚大圭注瓚形如槃容五升以大圭為柄是謂圭

瓚

康成謂爵行曰裸漢禮瓚槃大五升口徑八寸下有

槃口徑一尺疏肆先王謂祭祀先王則宗伯六享也裸

賓客則大行人云上公再裸侯伯一裸也云漢禮瓚槃

云云者此漢禮器制度文叔孫通所作大祭祀大旅凡

賓客之事共其玉器而奉之注玉器謂四圭裸圭之屬

小宗伯祭祀賓客以時將瓚裸注天子圭瓚諸侯璋

瓚 鬱人掌裸器凡祭祀賓客之裸事和鬱鬯以實彝
以陳之凡裸王濯之陳之以贊裸事注裸器謂彝及舟
與瓚鬱鬯謂築鬱金草煮之以和鬯酒鄭司農云鬱草
名十葉為貫一百二十貫為築裸王謂圭瓚璋瓚琥王
制云諸侯賜圭瓚然後為鬯王度記云天子以鬯諸侯
以薰大夫以蘭芝士以蕭庶人以艾禮緯云鬯草生庭
以和鬯酒因號為鬯草郊特牲云灌以圭璋用玉氣也
王用圭瓚后用璋瓚 鬯人共秬鬯以飾之注秬鬯不

和鬱者也 司尊彝云云注裸謂以圭瓚酌鬱鬯始獻

也后以璋瓚酌亞裸

裸用鬱齊

冬官玉人裸圭尺有二寸

有瓚以祀廟注裸始獻酌奠也瓚如盤其柄用圭有流

前注 詩旱麓六章其二章曰瑟彼

周禮注云卹彼

玉瓚黃流

在中注玉瓚圭瓚也黃金所以飾流鬯也九命然後錫

以秬鬯圭瓚箋云黃流秬鬯也圭瓚之狀以圭為柄黃

金為勺

與玉人云黃金勺鼻等同也

青金為外朱中央殷王帝乙之

時王季為西伯以功德受此賜

見孔叢子子思云

江漢釐爾

圭瓚拒鬯一百昭棫樸左右奉璋注半圭箋云璋瓚

亞裸書序平王賜晉文侯拒鬯圭瓚洛誥王入太

室裸注太室清廟裸鬯告神祭統君執圭瓚裸尸大

宗執璋瓚亞裸注裸器以圭璋為柄甘泉賦玄瓚觶

醪拒鬯泔淡

周圭璧

典瑞圭璧以祀日月星辰注圭其卣為璧取殺於上帝

三禮圖色白六寸璧
上琢出一圭長五寸

玉人圭璧五寸以祀日月星

辰

注同上五
寸象天之中

疏圭璧謂以璧為邸旁有一圭詩圭

璧既卒

是燔牲
玉也

覲禮設方明上圭下璧

謂日月
之神

禮

象曰圭邸璧則以青圭插蒼璧璋邸琮則以赤璋插

黃琮

周璋邸

典瑞璋邸射以祀山川以造贈賓客注璋有邸而射取

殺於四望鄭司農云射剡而出也

詩書注及三禮圖云
半圭曰璋射言剡

出而貫於邸象山川
阻固賓客藩屏之功

玉人璋邸射素功以祀山川以

致稍饒注素功無瑑飾也 公羊傳瑑判白注瑑所以

郊事天尤重詩云奉璋峩峩髦士攸宜 箋云瑑瑑也王裸以圭瑑諸臣

亞裸以瑑瑑 詩 又云載弄之璋 左傳享粢有璋

周土圭 詳見圭 景類

大司徒以土圭之灋測土深正日景以求地中日南則

景短多暑日北則景長多寒日東則景夕多風日西則

景朝多陰日至之景尺有五寸謂之地中天地之所合

也四時之所交也風雨之所會也陰陽之所和也然則

百物阜安乃建王國焉凡建邦國以土圭土其地而制其域注土圭之長尺有五寸以夏至之日立八尺之表景適與土圭等謂之地中今潁川陽城地為然 典瑞土圭以致四時日月封國則以土地注鄭司農云以求地中故謂之土圭疏洛邑以求地中自餘或致四時之景或封諸侯所用不必要求地中先鄭據大司徒而言耳 玉人土圭尺有五寸以致日以土地注土猶度也建邦國以度其地疏日景一分地差百里五等諸侯取

五分景

周珍圭

典瑞珍圭以名守恤荒注杜子春云珍當為鎮名守國諸侯若今名郡守以竹使符鎮者國之鎮諸侯亦一國之鎮故以鎮圭名之荒則民有遠志故以鎮圭鎮安之立謂珍圭王使之瑞節制大小當與琬琰相依王使人召諸侯憂凶荒之國則授之執以往致王命如今使者持節凡瑞節歸又執以反命正義玉人琬圭九寸此珍

圭玉人不言故約與琬琰同 荀子聘人以珪問士以璧

周牙璋

典瑞牙璋以起軍旅以治兵守注鄭司農云瑑以為牙
牙齒兵象故以牙璋發兵若今以銅虎符發兵也玄謂
牙璋亦王使之瑞節疏牙璋亦素功大軍旅用牙璋小
軍旅用中璋 璋為南方陽極生陰兵陰也故以起旅
牙有森列之義 戰守不同璋亦隨異

玉人牙璋中璋七寸射四寸厚寸以起軍旅治兵守注

二璋皆有鉏牙之飾於剡側先言牙璋有文飾也疏軍多用牙璋軍少用中璋中璋亦有鉏牙但牙璋文飾多故得牙名而先言也典瑞無中璋以其大小等

周璧羨

典瑞璧羨以起度

三禮圖云色白

注鄭司農云羨長也此璧徑

長尺以起度量玄謂羨不圍貌蓋廣徑八寸袤一尺疏爾雅云肉倍好謂之璧此璧本徑九寸今言羨則減傍一寸以益上下玉人璧羨度尺好三寸以為度注鄭

司農云羨徑也好壁孔也玄謂羨猶延其袤一尺而廣狹馬疏壁好三寸好即孔也兩畔肉各三寸共六寸是肉倍好也園徑九寸今減廣一寸以益上下之袤一寸則上下一尺廣八寸故云其袤一尺而廣狹焉天子以為量物之度 易氏曰以好三寸推之肉倍好為六寸是兩畔各三寸則壁之圓凡九寸延其旁之一寸以益上下則橫徑八寸袤十寸矣以十寸之尺而起度則十尺為丈十丈為引以八寸之尺而起度則八尺為尋倍

尋為常 古人之度在樂則起於黃鍾在禮則起於璧
羨駟琮為權其意與此同璧之體圓琮之體方

周穀圭

典瑞穀圭以和難以聘女注穀圭亦王使之瑞節穀善
也其飾若粟文然聘女則以納徵馬疏執善圭和之使
善聘女亦和好之事故用善圭昏禮有六五禮用鴈納
徵不用鴈以其有束帛可執徵成也春秋謂之納幣

玉人穀圭七寸天子以聘女注納徵加於束帛疏士已

上皆用玄纁束帛天子加穀圭諸侯加大璋 子執穀
璧

周琬圭

典瑞琬圭以治德以結好注琬圭亦王使之瑞節諸侯
有德王命賜之使者執以致命也結好者諸侯使大夫
來聘為壇會之使大夫執以命事大行人職曰時聘以
結諸侯之好鄭司農云琬圭無鋒芒故治德以結好
玉人琬圭九寸而纁以象德注琬猶園也王使之瑞節

也繅藉也疏象德據圭體而說治德據使者而言書
琬琰在西序注琬琰之圭 漢司馬相如傳析圭而爵
注如淳曰析中分也白藏天子青在諸侯也

周琬圭 剡圭

典瑞琬圭以易行以除慝注琬圭亦王使之瑞節鄭司
農云琬圭有鋒芒傷害征伐誅討之象易惡行令為善
者以此圭責誚喻告之玄謂除慝亦於諸侯使大夫來
覲既而使大夫執而命事於壇大行人職曰殷覲以除

邦國之慝 玉人琰圭九寸判規以除慝以易行注凡
圭琰上寸半琰圭琰半以上又半為瑑飾諸侯有為不
義使者征之執以為瑞節也誅惡逆去煩苛疏判半也
半以上琰至首規半以下為瑑飾 調人則與之瑞節
注玉節之剡圭也 易氏曰琬圓其銳以和順為義彰
諸侯之善琰剡其末以剛斷為義痺諸侯之惡九寸陽
數之極以馭諸侯

周瑑圭璋璧琮

典瑞瑑圭璋璧琮繅皆二采一就以覲聘注璋以聘后夫人以琮享之也大夫衆來曰覲寡來曰聘鄭司農云瑑有沂鄂瑑起疏此遺臣行聘問之所執若君自朝執桓圭等若遣臣聘不得執君之圭璧無桓信躬蒲穀之文直瑑之而已朱綠二采共為一就圭以聘天子與諸侯而璧享之 玉人璧琮九寸諸侯以享天子注享獻也聘禮享君以璧享夫人以琮疏二王後享天子及后用圭璋此引聘禮者見享天子用璧享后用琮九寸據

上公九命若侯伯當七寸子男當五寸 瑑圭璋八寸

璧琮八寸以覲聘注瑑文飾也覲視聘問衆來曰頽特
來曰聘聘禮曰凡四器者唯其所寶以聘可也疏此謂
上公之臣執以頽聘用圭璋享用璧琮於天子及后也
若兩諸侯自相聘亦執之侯伯之臣宜六寸子男之臣
宜四寸 瑑琮八寸諸侯以享夫人注獻於所朝聘君之
夫人疏諸侯自相朝所用致享者五等諸侯朝天子享
用璧琮不降瑞若自相享降瑞一等上公二王後自相

享用璧琮八寸侯伯當六寸子男用琥璜四寸不言瑑

璧以享君文畧可知也

覲禮總稱侯氏用璧明五等同也

聘義圭璋

特達德也注特達謂以朝聘也璧琮則有幣有德者無所不達不有須而成也 雜記贊大行曰圭公九

寸侯伯七寸子男五寸博三寸厚半寸剡上左右各

寸半玉也藻三采六等

藻薦玉者以朱白蒼畫之再行也

聘禮所

以朝天子圭與纁皆九寸纁三采六等朱白蒼問諸侯

朱纁纁八寸

周語為贄幣瑞節以鎮之

左傳朝聘

有珪享覲有璋 公羊傳注凡贄天子用鬯諸侯用玉

卿用羔大夫用鴈士用雉

禮珪以朝璧以聘琮以發兵璜以發衆璋以召

周大璋 中璋 邊璋 三璋

冬官玉人之事大璋中璋九寸邊璋七尺射四寸厚寸

黃金勺青金外朱中鼻寸衡四寸有纆天子以巡守宗

祝以前馬

中璋勺口徑九寸鼻射寸邊璋七寸勺徑璋厚薄鼻寸

注射剡出者也

鼻勺流也凡流皆為龍口衡古文橫假借字也衡謂勺

徑也三璋之勺形如圭瓚天子巡守有事山川則用灌

馬大山川則用大璋加文飾也中山川用中璋殺文飾也小山川用邊璋半文飾也其祈沈以馬宗祝亦執勺以先之禮王過大山川則大祝用事馬將有事於四海

山川則校人飾黃駒

詩正義云皆是璋璣書象璋以酢

正義圭璣之形

大三璋之勺徑四寸所容似小 大璋亦如之諸侯以

聘女

或曰錯文當繼於穀圭之後大字恐誤

注亦納證加於束帛也大璋

者以大璋之文飾之也亦如之者如邊璋七寸射四寸疏天子穀圭七寸以聘女諸侯不可過於天子為九寸

中璋以起軍旅

見上

圭璋皆裸玉也圭以象陽之生物

璋以象陰之成事裸圭尺有二寸象陽以偶成大璋中璋九寸象陰以奇立此宗廟賓客山川隆殺之辨也

周駟琮 大琮

玉人駟琮五寸宗后以為權

注駟讀為組以組繫之因名焉鄭司農云以為稱錘

以起量疏后所用五寸降於天子駟琮可以為權之始而不可為權之用五中數也以中數為權則中而

不可大琮十有二寸射四寸厚寸是謂內鎮宗后守之

易注如王之鎮圭也射其外鉏牙疏大琮對駟琮五寸為大內鎮對天子執鎮圭為內射其外鉏牙者據八角

鋒 駟琮七寸鼻寸有半寸天子以為權注以為權故有鼻七成數也

以成數為權則成而不可變

周玉案

玉人案十有二寸棗桌十有二列諸侯純九大夫純五夫人以勞諸侯注鄭司農云案玉案也夫人天子夫人玄謂案玉飾案也夫人王后也玉案十二以為列王后勞諸侯皆九列聘大夫皆五列則十有二列者勞二王之後也棗桌實於器乃加於案聘禮曰夫人使下大夫

勞以二竹簋方玄被纁裏有蓋實棗烝栗擇蕪執之以

進疏聘禮諸侯夫人使下大夫勞無案直有棗栗此

後

勞有案易氏曰后夫人皆與賓客之事

掌次設重案注牀重席也

文選注楚漢春秋淮陰侯曰漢王賜臣玉案之食

周六幣

秋官小行人成六瑞云云合六幣圭以馬璋以皮璧以帛琮以錦琥以繡璜以黼此六物者以和諸侯之好故

注合同也

兩兩相配故言合

六幣所以享王也五等諸侯享天

子用璧享后用琮其大各如瑞皆有庭實用圭璋者二
王之後也子男於諸侯則享用琥璜下其瑞也疏馬皮
二者本非幣以用之當幣故總號為幣六幣配以六器
之玉象德也 覲禮設六玉上圭下璧南方璋西方琥
北方璜東方圭注六色象其神六玉以禮之設王者刻
其木而著之上宜以蒼璧下宜以黃琮而不以者上下
之神非天地之至貴者也 書賓稱奉圭兼幣疏幣即
馬是也圭是文馬之物鄭云此幣圭以馬蓋舉王者之

後以言耳諸侯當璧以帛亦有庭實覲禮諸侯享天子

馬卓上九馬隨之

大宰之幣貢釋者曰玉幣皮馬也

左傳庭實旅百

奉之以玉帛疏覲禮侯氏執圭見王王受圭禮成乃出
又入行享禮獻國之所有云云覲禮侯氏既見王乃云
四享皆束帛加璧庭實唯國所有鄭玄云四當為三大
行人職曰諸侯廟中將幣皆三享初享或用馬或用虎
豹之皮其次享三牲魚腊籩豆之實龜也金也丹漆絲
纊竹箭也其餘無常貨分為三享皆以璧帛致之禮器

云東帛加璧尊德也郊特牲曰往德也贄幣即璧帛也
侯氏致享執玉致命王撫之而已不受之也侯氏降授
宰幣是庭實之幣皆庭受之唯馬受之於門外覲禮侯氏用璧

琮侯氏升致命王撫玉注王不受玉撫之而已輕財也

禮掌訝將幣為前驅至

于朝詔其位 小宗伯受其將幣之齋 服不氏抗皮

校人受其幣馬 鄭注曲禮云春受贄於朝受享於

廟 楚語共幣帛以賓享於諸侯

周玉鎮 大寶器 玉瑞

春官天府

上士一人
中士二人

掌祖廟之守藏

始祖后稷之廟其
寶物世傳守之若

魯寶玉
大弓

凡國之玉鎮大寶器藏焉若有大祭大喪則出

而陳之既事藏之注玉鎮大寶器玉瑞玉器之美者禘
祫陳之以華國顧命曰陳寶赤刀大訓弘璧琬琰在西
序大玉夷玉天球河圖在東序盾之舞衣大貝鼓鼓在
西房兌之戈和之弓垂之竹矢在東房 上春釁寶器

寶鎮季冬陳玉以貞來歲之媿惡

典瑞

中士二人掌玉瑞

玉器之藏辨其名物注人執以見曰瑞

鎮圭等禮神曰器

四圭瑞符信也疏若天子受瑞於天諸侯不得受瑞於
之等

天唯受瑞於天子故名為瑞周書世俘篇武王俘商

舊玉億有百萬書越玉五重陳寶正義西序東序列

玉五重又陳先王所寶之器物鄭玄云大璧大琬大琰

皆度尺二寸王肅云夷玉東夷之美玉天球玉磬也鄭

玄云大玉華山之球也夷玉東北之珣玕琪也

說文醫無閭珣

玕琪周書所謂夷玉也天球雍州所貢之玉色如天者皆璞未見

琢治故不以禮器名之古者寶玉世守罔敢失墜以

昭先祖之德存肅敬之心 楚語國之寶六而已聖玉
龜珠金山林藪澤

周珠槃 玉敦

天官王府若合諸侯則共珠槃玉敦注敦槃類音珠玉

對

以為飾古者以槃盛血以敦盛食合諸侯者必割牛耳

取其血軟之以盟珠槃以盛牛耳尸盟者執之疏槃敦

以木為之珠玉為飾 夏官戎右盟則以玉敦辟盟遂

役之贊牛耳桃茢

周玉齋

天官九嬪凡祭祀贊玉齋音咨贊后薦徹豆邊注玉齋王

敦也受黍稷器后進之而不徹

疏云后親執而設之

春官大宗

伯凡祀大神享大鬼祭大示泣玉鬯奉玉齋注玉禮神

玉也疏天地有禮神之玉而無鬱鬯宗廟無禮神之玉

而有鬱鬯齋謂黍稷 小宗伯辨六齋之名物與其用

注齋讀為粢六粢謂六穀黍稷稻粱麥苽 秋官司烜

氏下士掌以夫遂取明火於日以鑒取明水於月以共

祭祀之明盥明燭共明水注夫遂陽燧也鑑鏡屬取水

者世謂之方諸明盥謂以明水滌窠盛黍稷

晉志火出於陽燧燧

員而火不員水生於方諸諸方而水不方

周玉幣爵 玉獻 玉爵 瑤爵

太宰祀五帝贊玉幣爵之事注玉與幣所以禮神爵所以獻齊酒不用玉尚質疏禮神幣與玉亦各如其方色祭天無裸無彝尊享先王用玉爵尚文祭天不用玉爵尚質三者執以從王至而授之王親自執玉幣奠於神

坐親酌以獻尸贊玉几玉爵注玉几所以依神天子左

右玉几

疏祭宗廟用玉几

宗廟獻用玉爵

明堂位獻用玉琖謂王朝踐饋獻時若裸

則用圭瓚

大朝覲會同贊玉幣玉獻玉几玉爵注玉幣諸

侯享幣也其合亦如小行人所合六幣玉獻獻國珍異亦

執玉以致之玉几王所依也玉爵王禮諸侯之酢爵疏

行享之時亦璧琮加束帛以致之三享之外別有獻國

珍異以玉致獻諸侯酢王用玉爵則冢宰贊王受之

內宰大祭祀后裸獻則贊瑤爵亦如之凡賓客裸獻瑤

爵皆贊注祭宗廟王既裸而出迎牲后乃從後裸獻謂
王薦腥薦孰后亦從後獻瑤爵謂尸卒食后亞獻之其
爵以瑤為飾賓客謂王同姓及二王之後裸之禮亞王
而禮賓獻謂王饗燕亞王獻賓疏王以玉爵酌朝踐醴
齊謂之朝獻后於後以瑤爵酌饋獻時盞齊謂之再獻
王用玉琖后用璧角瑤爵謂王饗燕酬賓時后亦助王
酬賓饗禮在廟獻依命數爵盈而不飲燕禮一獻四舉
旅降脫屨升坐其爵以醉為度 小宰凡祭祀贊王執

爵之事疏小宰執以授大宰大宰執以授王 司尊彝

疏明堂位璧角璧散即內宰所云瑤爵一也以瑤玉為

璧形以飾角散爵是通名注王用玉爵再獻者用璧角

璧散 祭統疏爵為雀形以尾為柄 禮象曰以薦鬯

則謂之同以薦酒則謂之修

書上宗奉同盥以異同荀卿曰修爵無數周官曰凡

酒修酌

周玉鬯

大宗伯宿眡滌濯泣玉鬯注玉禮神之玉也疏曲禮云

玉曰嘉王郊特牲云用玉氣 小宰裸將之事注贊王

酌鬱鬯疏宗廟有裸天地無裸王以圭瓚酌鬱鬯獻尸

后以璋瓚酌祭天地既言無灌案宗伯涖玉鬯表記云

親耕粢盛秬鬯以事上帝春官鬯人掌供秬鬯社稷山

川等外神皆用秬鬯不用鬱用鬯唯有宗廟及裸賓客 王制賜圭

瓚然後為鬯未賜圭瓚則資鬯於天子 郊特牲周人

尚臭灌用鬯鬱合鬯灌以圭璋用玉氣也注灌謂以圭瓚酌鬯

洛誥佻來戠殷乃命寧予以秬鬯二卣曰明禋拜手稽

首休享

李氏曰貞
鬯之樽也

賜則實之於貞祭則陳之於彛

宋書黃帝時南夷乘白鹿來獻柎鬯 孔叢子子思曰

聞諸子夏曰殷王帝乙之時王季以九命作伯於西受

圭瓚柎鬯之賜 宣王錫召虎平王錫晉文侯襄王賜

晉文公柎鬯 王府王齊共食玉注玉是陽精之純食

之以禦水氣

周封圭

穀梁傳定八年冬云云寶王者封圭也

注始封
之圭

大弓者

武王之戎弓也周公受賜藏之魯

注受賜於周

亢倉子鄭

有相之封圭戎弓 史記成王削桐葉為珪予唐叔曰

以此封若

又呂氏春秋韓詩外傳

春秋成八年秋七月天子使

召伯來賜公命杜預注諸侯即位天子賜以命圭與之
合瑞

周簡圭

淮南子說山訓第十六明月之珠出於蛻蜃周之簡圭

出於垢石注

許慎

大圭也美玉出於石中 左傳昭二十

四年王子朝用成周之寶珪于河 郊特牲大圭
不瑑美其質也 帝王世紀武王命歸璇臺之珠
玉

周介圭

後漢張衡傳作應間云申伯樊仲實幹周邦服袞而朝
介圭作瑞注詩注圭長尺二寸謂之介

周靈珪

墨子周之靈珪出於土石

周紉璐

亢倉子靈王使祭公致篚帛與紉璐 子華子井里之

璞

魯璵璫 白璋

文選魏文帝書曰晉之垂棘魯之璵璫宋之結綠楚之

和璞

璵璫又見左傳

公羊傳定八年冬寶者何璋判白弓繡

質龜青純注半圭曰璋白藏天子青藏諸侯魯得郊天
故錫以白璋所以郊事天詩云奉璋戕戕 初學記逸

論語璵璠魯之寶玉也孔子曰美哉璵璠遠而望之真

若也近而眎之瑟若也一則理勝一則孚勝

又見說文

戰

國東應侯曰宋有結綠梁有垂黎

楚瑠氏璧 晉垂棘璧

蔡邕琴操楚明光者楚王大夫也昭王得瑠氏璧

瑠古和字

欲貢於趙王於是遣明光奉璧之趙

文選注

史記趙惠

王得和氏之璧秦昭王遺趙王書願以十三城易璧趙

王使蘭相如奉璧至秦秦王無意償趙城相如持璧倚

柱曰臣頭與壁俱碎於柱矣 韓子楚人和氏得玉璞於楚山之中 荀子和之壁井里之厥也玉人琢之為天子寶 左傳晉以垂棘之壁假道於虞以伐虢 虞公許之官之竒曰虞不臘矣 文選魏文帝與鍾繇書垂棘出晉虞虢雙禽和壁入秦相如抗節

孔子圭

禮記玉藻圈豚行不舉足齊如流注圈轉也豚之言若有所循不舉足曳踵則衣之齊如水之流矣孔子執圭

則然此徐趨也 儀禮聘禮注孔子之執圭鞠躬如也
如不勝上如揖下如投勃如戰色足縮縮如有循

漢瑄王

郊祀志元鼎五年公卿言皇帝始郊見泰一雲陽有司
奉瑄王嘉牲薦饗是夜有美光及晝有黃氣上屬天注
孟康曰璧大六寸曰瑄 秦詛楚文敢用古玉宣璧告
於不顯大神巫咸

漢玉梢 紫幄

禮樂志郊祀歌十九章天門十一飾玉梢以舞歌體招
搖若永望星留俞塞隕光照紫幄珠幄黃注梢竿也舞
者所持玉梢以玉飾之也紫幄饗神之幄也

漢璧玉

禮樂志郊祀歌五神章十六圻嘉壇椒蘭芳璧玉精垂
華光注言禮神之璧乃玉之精英 天地章展詩應律

鉤三鳴注鉤鳴玉聲

漢介珪

文選王延壽魯靈光殿賦粵若稽古帝漢祖宗濬哲欽
明乃命孝孫俾侯于魯錫介圭以作瑞宅附庸而開宇
注介大也圭長尺二寸謂之介諸侯錫大圭為瑞信又
以為寶申伯之封錫介圭以作寶 史岑出師頌有漢
云云介珪既削列壤酬勳

漢倉壁

食貨志王侯宗室朝覲聘享必以皮幣薦璧然後得行
顏異曰今王侯朝覲以倉壁直數千而其皮薦反四十

萬本末不相稱 史記褚先生曰諸侯王正月朔旦奉

皮薦璧玉賀正月

後禮儀志贄公侯璧

注決疑要注曰漢魏正旦

大會諸侯執玉璧薦以鹿皮公卿以下所執如古禮

中二十石二千石羔千石六

百石鴈四百石以下雉

舊典市長執鴈建安八年始令執雉

百官志王

國大夫奉璧賀正月

朱暉傳故事少府給璧

北海

敬王睦傳歲終遣中大夫奉璧朝賀

蔡邕獨斷三公奉

璧上殿

周禮大宗伯以禽作六執以等諸臣孤執皮帛

卿執羔大夫執鴈士執雉庶人執鶩工商執雞注皮帛

者束帛而表皮以為之飾皮虎豹皮帛即今璧色繒也曲禮飾羔鴈者以績自雉以下執之無飾凡摯無庭實

漢玉寶 寶璧玉器

郊祀志上自幸河東之明年正月鳳皇集殺祠於所集

處得玉寶起步壽宮 史記將相名臣年表 褚先生續大事記

孝宣神爵二年上郊雍五時殺祠出寶器玉器 志在神爵二年

正月與此同但宣紀五鳳二年郊雍而神爵二年不書大事記亦不書五鳳郊雍然褚氏補表耳目不達固無

舛 祀天之誠地不愛寶

漢玉寶璧 劔寶

郊祀志神爵元年又以方士言為隨侯劔寶玉寶璧周

康寶鼎立四祠於未央宮中

劉敞曰隨侯珠一也劔寶即斬蛇劔二也玉寶璧即

受命寶和氏璧三也周康鼎似汾上所獲鼎也

晉輿服志傳國璽斬蛇劔俱

為乘輿所寶

傳國璽即受命寶

漢藍田璧

外戚傳昭陽舍璧帶往往為黃金釭函藍田璧明珠翠

羽飾之 西都賦藍田美玉注范子計然曰玉英出藍

田 甲乙之帳落以和璧 武帝東帛加璧迎申公

禮器

東帛加璧
尊德也

漢五玉

祭祀志建武三十二年封禪刻石文同律度量衡修五
禮五玉三帛吏各修職復于舊典注范甯曰五等諸侯
之瑞珪璧也

漢珪璧

明帝紀永平二年春正月辛未宗祀明堂詔曰親執珪
璧恭祀天地 王尊傳為東郡太守河水溢尊親執圭
璧 文紀十四年春詔曰朕獲執珪幣以事上帝宗廟
云云其廣增珪幣 郊祀志云圭幣以差加之 溝洫志孝武臨決河
湛玉璧

漢嘉玉

紀永平十三年四月乙酉詔薦嘉玉潔牲以禮河神注
禮記曰凡祭玉曰嘉玉

漢玉牒

詳見封
禪類

祭祀志封禪用玉牒書藏方石牒厚五寸長尺三寸廣五寸有玉檢時以印工不能刻玉牒欲用丹漆書之會求得刻玉者遂書秘刻方石中命容玉牒尚書令奉玉牒檢皇帝以寸二分璽親封之

尚書令以五寸印封石檢

封禪儀曰
以金為繩

漢玉珪

古今注章帝建初七年玉珪出弘農華陰

晉玉佩

又見上類

玉璧

羅憲傳恭始初入朝詔給鼓吹又賜山玄玉佩劔王
祥傳賜山玄玉佩 禮志江左以來太子婚納徵禮
用玉璧一獸皮二獸取其威猛有班彩玉以象德而有
潤

宋玉璧

符瑞志大明元年五月戊寅江乘縣得玉璧徑五寸八
分以獻四年二月乙巳徐州於汴水得白玉戟以獻

南齊永明七年錢塘獲蒼玉璧一

唐寧真玉像 二十七宿圖贊 玉冊

地理志寧州寧真縣本羅川天寶元年獲玉真人像二

十七因更名

一本云天寶六年寧州羅川縣金華洞獲玉像皆列宿之真惟少氐宿改縣為寧真

洋州真符縣本華陽天寶八載因鑿山得玉冊更名

藝文志道家類寧州通真觀二十七宿真形圖讚一卷

唐大圭 鎮圭

禮志凡祭祀之節質明皇帝服大裘而冕至中壝門外

措大圭執鎮圭皇帝執大珪迎三老 六典殿中監凡

大祭祀進大圭執鎮圭 官志殿中省尚衣奉御祭祀

奉鎮圭於監而進於天子 蔣防鎮圭賦雲虹發色冰

雪成姿 元稹鎮圭賦銳上象天方下法地備采章以

畫飾瑑崇高而定位 李華含元殿賦執鎮圭導朱紘

杜甫詩勃律天西采玉河堅昆碧盃最來多

唐穀珪

禮志納皇后執事者奉穀圭以匱 晉禮志有司奏禮

皇太后聘以穀珪

卷八十七

唐禮神六器 禮神九玉 圭幣 郊廟圭玉

郊祀圭璧

會要天寶九載十一月三日詔禮神六器宗廟奠玉並

用真玉諸祀用珉

一本云天寶十載十一月壬午詔曰禮神以玉取其精潔溫潤自馮紹正

奏後有司並用珉人力普存備物以享安可以珉代玉自今禮神六器宗廟奠玉並用真玉諸祀用珉如玉難得大者寧小其制度以取其真 楚語玉足以庇廬嘉穀韋昭注云玉禮神之玉也

太和九年十

一月判太常卿禮儀詳定使王起請造禮神九玉奏議

曰周禮以蒼璧禮天黃琮禮地青圭赤璋白琥玄璜禮四方又云兩圭有邸以祀天四圭有邸以祀地圭璧以祀日月星辰凡此九器禮神之玉也周禮有焚玉有藏玉鄭玄釋禮祀禮煙也為玉幣祭訖焚之而作煙以報陽也此焚玉之證也天府掌國之玉鎮大寶器若大祭祀既事而藏之此收玉之證也三禮義宗云凡祭天神有二玉禮神者訖事却收祀神者與牲俱燎今國家郊祀天地祀神之玉常用禮神之玉則無請下有司求良

玉造蒼璧黃琮等九器祭訖則藏之其燎玉依常制從之禮志冬至祀昊天上帝以蒼璧上辛明堂以四圭有邸幣皆以蒼地祇黃琮幣以黃青帝青圭赤帝赤璋黃帝黃琮白帝白琥黑帝黑璜幣如其玉日圭璧幣青月圭璧幣白神州社稷兩圭有邸幣以黑嶽鎮海瀆兩圭有邸幣如其方色神農赤伊耆黑五星以方色先農青先蠶黑其長丈八尺此玉幣之制也官志少府監供郊廟圭玉百官儀物太府卿祭祀幣帛皆供焉六

典中尚令供郊祀之圭璧

志同

唐定國寶玉

紀寶應元年建巳月壬午楚州獻定國寶玉十有三舊紀

云楚州刺史崔旆表獻定國寶玉十三枚一曰元黃天符如芴長八寸闊三寸上圓下方近圓有孔黃玉也二曰玉雞毛文悉備白玉也三曰穀璧白玉也徑可五六寸其文粟粒無雕錫之迹四曰西玉母白環二枚白玉也徑六七寸五曰碧色寶圓而有光六曰如意寶珠形圓如雞卵光如月七曰紅靺鞨大如巨粟赤如櫻桃八曰琅玕珠二枚長一寸二分九曰玉玦形如玉環四分缺一十曰玉印大如半手斜長理如鹿形陷入印中以印物則鹿形著馬十一曰皇后採桑鈎長五六寸細如筋屈其末似真金又似銀十二曰雷公石斧長四寸闊

二寸無孔細緻如青玉十三寶置于日中皆白氣連天
旣表云楚州寺尼真如者恍惚上昇見天帝授以十三
寶曰中國有災宜以第二寶鎮之乙丑改元寶
應 禮志親蠶尚功奉金鉤皇后受鉤米桑 地理

志楚州寶應縣上元三年以獲定國寶更名 五行志云
上元二年

獻寶玉十

二其一闕

建隆于闐玉圭

建隆元年一云二年十二月甲午于闐王李聖文遣使貢玉

圭一盛以玉匣興國三年三月沙州曹延祿貢玉圭

乾德鎮圭

乾德元年十一月十三日齋崇元殿翌日服通天冠絳
紗袍執鎮圭乘玉輅由明德門朝饗太廟十六日服衮
冕執圭合祭天地 圭以表特達之美鎮以示彈壓之
強蘊五德之符采寫四鎮之峰巒 周禮王指大圭執
鎮圭鎮圭顯諸仁大圭藏諸用開元開寶禮明堂親祠
皆指鎮圭非古也元豐奠鎮圭於繅上而執大圭

後周張昭該博問六璽所出并議三禮圖祭玉鼎金援

引經據

至道皇太子桓圭 乾道桓圭

至道元年八月二十五日戊戌詔以九月冊皇太子有
司言禮天子執鎮圭公執桓圭無太子執圭之文請定
制太子服遠遊冠朱明衣執桓圭以受冊朝會謁廟亦
如之詔可 乾道元年八月癸巳日十七禮官言禮玉人
命圭九寸謂之桓雙植謂之桓博三寸厚半寸剡上左
右各寸半玉色如政和新儀之制二十九日詔皇太子
桓圭用玉製以一尺

祥符玉牒 唐蒼壁

祥符元年七月甲子文思院玉工言封禪玉牒玉冊請用階州石可速就上曰砥砮目之曰玉以奉天於禮可乎翌日曰朕記即位初內府文籍有玉牒玉印之目因徧召玉工詢之有趙榮言太平興國中至內府閱視美玉與衆工為牒冊歲餘方就納于崇聖殿庫亟命取之明潤與常玉不類此先帝聖謨垂裕也即遣知制誥朱巽等監視琢刻

冊八月壬寅遣中使齋唐明皇禪社首玉冊及蒼壁付王欽若等令藏於舊處先

是與國中議封禪內官
至嶽下得之藏於內府

十月辛亥享上帝于園臺太祖

太宗並配攝中書侍郎周起讀玉冊訖又讀玉牒文曰
以仁守位以孝奉先祈福逮下侑神昭德云云又讀配
座玉冊上飲福酒攝中書令王旦跪稱曰天賜皇帝太
一神策周而復始永綏兆人三獻畢封金玉匱壬子禪
地祇于社首山封玉冊石礮同封祀之禮 先是五月
壬戌詳定所言開寶通禮封祀玉牒長尺二寸廣五寸
厚三分唐貞觀中顏師古奏長尺三寸廣厚各五寸麟

德中許敬宗奏長尺二寸廣寸二分厚三分編以金繩
盛以玉匱太平興國九年詳定玉牒用五簡每簡長尺
二寸廣五寸厚五寸刻玉為字填以金聯以金繩盛以
玉匱切詳制度歷代不同今請為五牒每牒長尺二寸
廣五寸厚一寸刻字填金聯繩緘匱如興國之制甲子
又言泰山園臺祀天社首壇祭地並以太祖太宗升配
共用玉冊六依開寶通禮制度每簡長一尺二寸廣寸
二分厚三分刻字填以金昊天玉冊牒地祇玉冊並盛

以玉匱配帝王冊盛以金匱

匱長尺三寸檢厚二寸濶五寸長尺三寸纏以金繩

封以金泥又為石礮石檢金繩石泥五色土封封石礮用天下同文實封金玉匱用受命寶

丙寅命

王旦撰昊天玉牒文馮拯撰地祇玉冊文趙安仁撰祀天及泰山社首二壇配坐太祖太宗玉冊文仍各書之首叙上天降監次述為民祈福之意七月己未朔上玉牒玉冊文

祥符大食國王圭

祥符元年將封禪七月己未朔大食航主陀婆黎請以

方物陪位太山十月戊申其國蕃官李麻初遣使貢玉

圭長尺二寸自言五代祖得於西天竺長者傳云謹守

此候中國聖君行封禪禮即馳貢之

知青州凌萊貢
玉環玉版各一

仁宗

闕

年永興奏長安民穿井得二玉壁上曰郊

廟之寶弃於此國家常戒其亡則玉為國寶

祥符桓圭

二年三月二十五日庚辰賜兗州曲阜文宣王廟桓圭

先是以木為圭
至是始易以玉

大觀

闕

年始用鎮圭紹興十四年正月

戊寅內出鎮圭付國子監以奉文宣王先是有司請以
珉石上曰崇奉先聖豈可用假玉詔以真玉圭降出

祥符蒼璧 黃琮 兩圭

三年八月辛未詔汾陰壇后土地祇黃琮神州兩圭有

邸令文思院以美玉製之五年閏十月甲申詔
恭謝玉皇用蒼璧六年八

月戊寅詔奠獻太清宮用蒼璧先是聖祖用四圭有邸
禮象曰謂之邸以託

宿取名圭邸璧則以青圭挿蒼
壁璋邸琮則以赤璋挿黃琮慶厯三年七月乙亥

禮院言祀天用蒼璧感生帝用四圭有邸近制同用四

圭請考正從之元豐七年八月己丑禮部言開元禮社
稷以兩圭有邸詔有司造之

皇祐明堂禮神王

皇祐二年三月詔享明堂五月丁亥朔太常禮院上新

作明堂禮神王及燔王

文彥博表曰瑒
十王之溫潔

明堂祭玉惟蒼

璧不用外定用四圭有邸黃琮圭璧各二青圭赤璋白

琥黝璜兩圭有邸凡十一玉並擇嘉玉參周禮義疏聶

崇義三禮圖造之指尺為度一以禮神置於神位祀畢

藏之少府一以為燔玉加牲體之上燔燎之十月辛未

詔明堂禮神玉令少府監擇寬潔庫室奉藏

九月四日
禮官言神

道尚右禮神玉置
位版之右詔可

實錄初上謂輔臣曰前代禮神有

祭玉燔玉今獨有燔玉於祀典無乃缺乎文彥博曰唐
以來禮神之玉已不備王起為太常卿下有司求良玉
造琮璧九器而燔玉止用珉上曰朕事天地祖宗玉有
所愛乎其令有司備製時

四月
甲子

沙州適貢良玉乃造璧

琮九器其黝璜尤粹祭玉之備始於此

一云回紇貢璞
數十枚剖之製

為琮璧九
品各二

會要少府供玉太府供幣

其長一丈八尺

元

豐三年八月辛卯詔明堂改用蒼璧禮天五帝依大宗伯陳玉社稷有瘞玉而無禮神玉元豐七年八月二十二日禮官請造兩圭有邸二為社稷禮神之器從之

皇祐兩圭

二年六月五日禮院言明堂行禮分祀九宮貴神用兩圭有邸凡九玉制以珉

玉隨幣色依九宮一白二黑三綠四碧五黃六白七

赤八白
九紫

政和夏祭方澤兩圭與黃琮並用明堂大
享蒼璧及四圭並用 慶厯七年郊制昊天用蒼璧
開寶通禮明堂祀天用四圭有邸皇祐明堂如通禮

元豐大圭 政和元圭 嘉泰圭邸

志元豐三年五月詳定所言郊廟之禮有鎮圭無大圭
於禮為闕詔議大圭尺度考工記大圭長三尺杼上終
葵首天子服之說者曰或謂之珽後魏以降又改為笏
珽以白玉為之長尺有二寸方而不折考之周禮長三

尺西魏隋唐長尺有二寸蓋隨宜為之請揆玉之有無制之按孔穎達言天子執鎮圭以朝日夕月祭天地宗廟以奉祭祀執鎮圭者執也搢大圭者笏也唐禮親祀天地搢大圭執鎮圭有事宗廟執鎮圭而已王涇郊祀錄曰大圭質也事天地之禮質故執而搢之鎮圭文也宗廟之禮文故無兼執之義不知大圭天子之笏通用於郊廟請自今親祠郊廟搢大圭執鎮圭既接神再拜執鎮圭為執執大圭為笏儀注曰搢鎮圭宜改為奠

盥手飲福則授之人又請乘輅不執圭御大輦亦如之
又言大圭中必之制中必與絢組一也

聘禮立纁繫長尺絢組

絢

以薦玉組以約圭二者謂之纁藉今鎮圭無之請製薦
玉纁藉以木板為中榦廣袤如其玉用韋衣之韋上畫
五采前後垂之約圭纁藉長尺上玄下絳五采五就為
飾奠圭則以薦纁陳于地執圭以約纁備失隊因垂之
為飾從之

元豐二年四月詳定所請元會朝賀上壽不執鎮圭

元祐元年五月禮

部言元豐新禮祀天措大圭其制圓首前絀於禮未合

欲放西魏隋唐玉笏之制方而不折上下皆博三寸長尺二寸其厚以鎮圭為約從之 政和二年宦者譚穆

獻玄圭

一云王景文上之

兩旁刻十二山上銳下方外黑內赤

長尺有二寸議者以為周王執鎮圭飾以四鎮之山云

云帝乃以是歲冬

十一月戊寅

御大慶殿受圭三年又詔冬

祀措大圭執玄圭紹興元年五月八日癸卯以玄圭宣

示輔臣

上曰玄圭映日則色紅

嘉泰四年十月九日侍讀顏敏

等言近進讀高宗聖政至紹興元年降出蒼玉璞因奏

竊聞有以四圭有邸來獻陛下付之奉常事與光堯相類上曰此中原舊物極大且厚色甚溫潤臣奏高宗得蒼璧而喜陛下得圭邸而喜蓋誠於奉天故喜於得祀天之器况中原故物湮沒七十年一旦得之至誠所感也乞付史館書簡策從之

紹興禮神玉 蒼璧 赤璋 鎮圭

見上

禮神十二玉天以蒼璧地以黃琮感生帝以四圭有邸神州社稷以兩圭有邸日月以圭璧五帝以青圭赤璋

白琥玄璜中興闕祭玉紹興元年二月五日命隨方色
奠幣八月七日始命訪美玉為蒼璧黃琮辛未八出蒼
玉璞付文思院上喜見玉色曰祀天不當計費時明堂
不祀五帝等他玉未及也四年宗祀四月十六日始制
五帝日月等玉初未得美璞將用天聖故事以珉為之
既而得真玉五月十六日乙丑遂命改制其中赤璋最

粹美他玉多不及禮經尺寸云

先是闕蒼玉禮官請以木為璧繪天地之色聖

意不以為安乃徧求得之

舊制圭璫璋璫惟用

珉石政和六年十一月一日禮制局請改用玉

建

炎四年大食貢珠玉詔却之紹興二十六年罷廉州貢珠

卷八十七



玉海卷八十七

欽定四庫全書

子部
玉海卷八十八

詳校官給事中_臣查善長

主事_臣祁韻士覆勘

總校官進士_臣朱 鈐

校對官學政_臣翁樹棠

謄錄監生_臣戴 燮

欽定四庫全書

玉海卷八十八

器用

鼎

以木巽火養人之象

泰帝神鼎

見後汾陰鼎

宋 王應麟 撰

黃帝神鼎

黃帝寶鼎

三鼎

詳見漢汾陰鼎跋

子華子黃帝之治天下百神受職於明堂之庭帝乃采銅於首山作大鑪鑄神鼎於山上鼎成羣龍下迎 史記黃帝紀天下有不順者黃帝從而征之平者去之未嘗寧居東至於海登九山及岱宗西至於空峒登雞頭南至於江登熊湘北逐葷粥合符釜山而邑于涿鹿之阿遷徙往來無常處以兵師為營衛官名皆以雲命為雲師置左右太監

監於萬國萬國和而鬼神山川封禪與為多焉獲
寶鼎迎日推策舉風后力牧常先大鴻以治民

郊祀志公孫卿曰今年得寶鼎其冬辛巳朔旦冬
至與黃帝時等卿有札書鬼臾區對曰黃帝得寶鼎
神策是歲己酉朔旦冬至凡二十推三百八十年黃帝
仙登於天 瑞應圖黃帝造三鼎以象太一 曹植有

黃帝三鼎贊 文選江淹詩廣成愛神鼎 號州有黃

帝鑄鼎原唐王闕作銘

舜甑

韓詩外傳舜甑盆無臚飯乎土簋啜乎土型 古史考

黃帝始作甑

丹甑 神鼎

禮運山出器車注器謂若銀甕丹甑也 唐薛邕丹甑

賦曰中含虛兮體道上應規兮法天以孝以享兮可以
饋饒多稌多黍兮屢惟豐年 史翹丹甑賦曰既申命
以自天類有孚而盈缶不汲而滿寶鼎齊列不炊而沸

溫泉比崇異陶鈞之有作符造化之為功 白虎通王者德至山陵丹甌見 宋志丹甌五穀豐熟則出神鼎者質文之精也知吉知凶能重能輕不炊而沸五味自生王者盛德則出玉甕不汲而滿王者清廉則出 晉志神鼎仁器也 典略神鼎丹甌醴泉以為大瑞

禹九鼎 周邲鄒鼎 唐銘九鼎

左氏傳宣公三年

定王元年

春楚伐陸渾之戎遂至於雒觀

兵於周疆定王使王孫滿勞楚子問鼎之大小輕重焉

對曰在德不在鼎昔夏之方有德也遠方圖物

圖畫山川奇異

之物而獻之

貢金九牧

使九州之牧貢金

鑄鼎象物

象所圖物鑄之於鼎

百物

而為之備使民知神姦

圖鬼神百物之形使民逆備之

故民入川澤山

林不逢不若螭魅罔兩莫能逢之用能協於上下以承

天休桀有昏德鼎遷於商載祀六百商紂暴虐鼎遷於

周德之休明雖小重也其姦回昏亂雖大輕也天祚明

德有所底止成王定鼎於郊廓

今河南也武王遷之成王定之服虔注今河

南有鼎中觀

卜世三十卜年七百天所命也周德雖衰天命

未改鼎之輕重未可問也 桓公二年四月臧哀伯曰

武王克商遷九鼎於雒邑義士猶或非之注九鼎殷所

受夏九鼎也義士蓋伯夷之屬正義其鼎有九故稱九

鼎 漢郊祀志禹收九族之金鑄九鼎象九州云云

後見

段漢汾
陰寶鼎

墨子夏后鑄鼎四足而方 拾遺記禹鑄九

鼎五者以應陽法四者以象陰數 說文禹鑄鼎荆山

之下

帝王世紀在馮
翊懷德之南

子華子周之九鼎禹所以圖神

姦也黃帝鑄一禹鑄九 揚子周室九鼎寶乎曰器寶

待人而後寶 書名誥正義九牧貢金為鼎故稱九鼎
其實一鼎顏率說齊王云武王遷九鼎用九萬人以為
鼎有九此虛誕之辭然鼎之上備載九州山川異物亦

又可疑 史記武王命南宮括史佚展九鼎寶玉

周書
克殷

解乃命南宮伯達史佚
遷九鼎三巫注地也

威烈王二十三年九鼎震

後

漢郡國志雒陽東城門名鼎門注帝王世紀曰東南門

九鼎所從入 唐書鍾紹京武后時諸宮殿明堂及銘

九鼎皆其筆也李泌天寶中復獻明堂九鼎議 唐志

許康佐九鼎記四卷

雜傳記

書目陳太子中庶子虞荔

撰鼎錄一卷錄自古鼎形象款識始於夏九鼎終於王義之書鼎

夏昆吾鼎 周昆吾鼎

後漢崔駰傳達旨辭曰乃將鑲玄珪冊顯功銘昆吾之治勒景襄之鍾注蔡邕銘論曰呂尚作周大師封于齊其功銘於昆吾之鼎

一作治文選注引同上

墨子耕篇夏后開使

飛廉析金于山而陶鑄之於昆吾使翁難雉乙卜于白

若之龜龜曰鼎成四足而方不炊而自亨不舉而自藏
不遷而自行祭於昆吾之墟乙又言兆之繇曰饗矣逢
逢白雲一南一北一東一西九鼎既成遷于三國 文

選張景陽七命却馬於糞車之轅銘德于昆吾之鼎注

墨子曰昔夏開使飛廉採金於山以鑄鼎於昆吾

崔駰傳注

同

鼎錄太公於渭水得玉璜鑄一鼎刻其文曰璜鼎

湯鼎

外紀

又荀子說苑
呂氏春秋

湯之時大旱七年遂齋戒剪髮斷爪

素車白馬身嬰白茅以身為犧牲禱於桑林之野持三足鼎祝山川以六事自責曰政不節歟民失職歟宮室崇歟女謁盛歟苞苴行歟讒夫昌歟何不雨之極也言未已大雨

文選注引說苑曰持三足鼎祝山川辭未已而天下大雨

伊尹鼎

楚辭天問緣鵠飾玉注伊尹修飾玉鼎以事湯湯賢之

以為相魯連子伊尹負鼎佩刀以干湯

文選注

殷湯廟鼎

書高宗彤日序高宗祭成湯有飛雉升鼎而雉正義王
肅云高宗豐於禰故有雉升遠祖成湯廟鼎之異

周鼎

淮南子周鼎鑄倭使銜其指明大巧之不可為也注倭
堯之巧工周鑄鼎鑊倭身於鼎使自銜其指 呂氏春

秋周鼎著饜饜有首無身食人未咽害及其身以言報
更也周鼎著鼠令馬履之為其不陽也周鼎著倭而齧
其指有以見大巧之不可為也

注周家鑄鼎象百物
又曰殷之鼎陳於周之

廷

吾丘壽王傳鼎為周出故名曰周鼎 賈誼賦幹

弃周鼎寶康瓠兮 史記西周武王曰居三代之傳器

索隱曰謂九鼎

周崇鼎 貫鼎 庸器 銘

明堂位崇鼎貫鼎大璜封父龜天子之器也 禮典庸

器 下士 注鄭司農云有功者鑄器銘其功春秋傳作林

鍾銘魯功庸器伐國所獲之器若崇鼎貫鼎及其兵物

所鑄銘祭祀饗射陳庸器注陳功器以華國也

周魯冰鼎 召公鼎

文選刻漏銘注蔡邕銘論曰昔召公作誥先王賜朕鼎
出于武當魯冰

周康寶鼎

漢郊祀志宣帝以方士言立周康寶鼎祠於未央宮中
周十二鼎

膳夫王日一舉鼎十有二物皆有俎注牢鼎九陪鼎三
物謂牢鼎之實亦九俎 內饗王舉則陳其鼎俎 匠

人注牛鼎之高長三尺脚鼎之高長二尺

疏以為漢禮器制度

聘禮宰夫朝服設殮飪一牢在西鼎九羞鼎三腥一牢

在東鼎七

注羞鼎則陪鼎也以其實則曰羞以其東則曰陪

上介飪一牢在西

鼎七羞鼎三 郊特牲鼎俎奇疏聘禮牛一羊二豕三

魚四腊五腸胃六膚七鮮魚八鮮腊九是正鼎九陪鼎

脚一臠二腕三鼎別一俎俎亦九少牢陳五鼎羊一豕二

膚三魚四腊五特牲三鼎牲一魚二腊三亦有俎

折俎一非

正

左傳殮有陪鼎

陪加也

周甌

考工記陶人為甌實一罇厚半寸脣寸盆甌實二罇高

實五殼庾實二殼厚脣同注甌無底甌左傳齊賂晉以

紀甌釋文王甌也公羊傳注或說玉甌皇朝太宗時長安民得

甌其狀下為鼎三足上為方甌中設銅箆可以開闔有

銘在其側向中正識其文曰甌也遂藏秘閣

周仲山甫鼎

見下 崔駰仲山甫鼎銘曰鼎耳革其行塞雉膏不食

方雨虧悔終吉有福足勝其任公餗乃珍於高思危在
滿戒溢可以永年天之大律

周瑞鼎

公羊傳注

見下
段

晉莒二方鼎 宋正考父鼎銘

左傳昭七年夏鄭子產聘晉晉侯有疾韓宣子問曰寡
君有疾今夢黃熊入于寢門對曰云云賜子產莒之二

方鼎

莒所貢也
民云夏時器也

金石錄有方鼎銘藏岐山馮氏張舜

正義服虔云鼎三足則圓四足

則方秋九月孟僖子曰正考父

弗父何之曾孫

佐戴武宣三命茲

益共

三命上卿也言位高益共

故其鼎銘云

考父廟之鼎

一命而僂再命

而僂三命而俯

俯共於僂僂共於僂

循牆而走亦莫余敢侮饘於

是鬻於是

言至儉

以餬余口其共也如是

僖子之言在二十四年

公羊傳注部所以有大鼎者周家以世孝天瑞之鼎以

助享祭諸侯有世孝者天子亦作鼎以賜之禮祭天子

九鼎諸侯七卿大夫五元士三

詩注作器能銘可以

為士夫

考工記六分其金而錫居一謂之鍾鼎之

齊

魯部鼎

左傳桓公二年春宋以部大鼎賂公

部國所造器

夏四月取

部大鼎於宋戊申納於太廟非禮也臧哀伯諫曰官之

失德寵賂章也部鼎在廟章孰甚焉公不聽

公羊曰器從名

魯岑鼎

呂氏春秋齊攻魯求岑鼎魯君載他鼎以往齊侯弗信

又見劉子及新序

欽定四庫全書

玉海
卷八十八

十

吳壽夢鼎

春秋襄十九年春王正月諸侯盟于祝阿左傳公享晉
六卿於蒲圃賄荀偃束錦加璧乘馬先吳壽夢之鼎注
壽夢吳子乘也獻鼎於魯因以為名古之獻物必有以
先淮南子闔廬入郢破九龍之鼎 史記秦武王與孟
說舉龍文赤鼎

晉讒鼎

左傳昭三年叔向語晏嬰曰讒鼎之銘曰昧且不顯後

世猶怠況日不悛其能久乎注讒鼎名也正義服虔云疾讒之鼎也明堂位所云崇鼎一云讒地名禹鑄九鼎於甘讒之地故云讒鼎二者無據故杜云鼎名而已韓非子齊伐魯索讒鼎

齊甲父鼎

左傳昭十六年二月丙申徐人及邾人莒人會齊侯盟于蒲隧賂以甲父之鼎注甲父古國名徐人得鼎以遺齊

晉刑鼎

左傳昭二十九年冬晉趙鞅荀寅賦晉國一鼓鐵鑄刑鼎著范宣子所為刑書焉仲尼曰晉國將守唐叔之所受法度以經緯其民文公作執秩之官為被廬之法以為盟主今弃是度也而為刑鼎民在鼎矣何以尊貴蔡史墨曰擅作刑器以為國法 昭六年三月鄭子產鑄刑書注鑄於鼎

衛舒鼎

左傳定公六年二月衛公叔文子曰昭公之難魯昭君

將以文之舒鼎

衛文公鑄此鼎其名曰舒

成之昭兆

衛實窳也文分明故名

兆

昭定之擊鑑

擊帶而以鏡為飾

苟可以納之擇用一焉

注求納昭公也

燕樂殺書故鼎反於歷室

衛孔悝鼎銘

祭統夫鼎有銘者論譔其先祖之有德善功烈勲勞慶賞聲名列於天下而酌之祭器以崇孝也故衛孔悝之鼎銘曰六月丁亥公假於太廟

孔悝衛大夫也公衛莊公蒯賾也以其立

已故賜之疏以為在魯哀公十六年六月夏之五月禘祭之時

公曰叔舅乃祖莊叔

懼七世祖衛大夫孔達也

左右成公成公乃命莊叔隨難於漢陽即宮於

宗周奔走無射啟右獻公獻公乃命成叔

鉏

纂乃祖服

乃考文叔

國

興舊嗜欲作率慶土躬恤衛國其勤公家

夙夜不懈民咸曰休哉公曰叔舅予汝銘若纂乃考服

懼拜稽首曰對揚以辟之勤大命施於烝彝鼎

彝尊也周禮大

約劑書於宗彝

漢紀功鼎

鼎錄蕭何為丞相鑄一鼎大如三石甕自表已功其文
曰紀功鼎武帝登泰山鑄一鼎銅銀為之其形若甕文
曰登于太山萬壽無疆四海寧謐神鼎傳芳成帝鑄鼎
刻王商功以勸忠臣

漢汾陰寶鼎 汾水鼎 文鼎 鼎書 漢寶

紀元鼎元年夏五月

宋志云五月五日

得鼎汾水上

應劭曰得寶鼎故因

是改元四年十一月甲子立后土祠于汾陰睢上

蘇林曰睢音誰

如淳曰睢者河之東岸如人

屍睢故以名云二說皆是六月得寶鼎后土祠旁秋

馬生渥洼水中作寶鼎天馬之歌

東萊曰得鼎在四年武紀因改元而誤增

得鼎一事耳非兩曾得鼎於汾水上也元鼎年號亦如建元元光皆後來追改

五年冬十一月

辛巳朔旦冬至立泰時於甘泉天子親郊見詔曰朕巡

祭后土以祈豐年冀州雕壤乃顯文鼎獲薦于廟渥洼

水出馬朕其御焉

志其贊饗曰天始以寶鼎神策授皇帝朔而又朔終而復始

郊

祀志夏六月汾陰巫錦

注應劭曰錦巫名

為民祠魏雕后土營

旁

應劭曰魏故魏國也師古曰汾雕本魏地之墳故云魏雕也營謂祠之兆域也

見地如鈎狀

拊視得鼎

師古曰拊謂手把土也音蒲鈎反把蒲巴反其字從木

鼎大異於衆鼎

文鏤無款識

韋昭曰款刻也師古曰識記也音式志反其下美陽鼎亦同也

怪之言吏

吏告河東太守勝勝以聞天子使驗問巫得鼎無姦詐

廼以禮祠迎鼎至甘泉從上行薦之

如淳曰以鼎從行上甘泉將薦之于

天師古曰上音時掌反

至中山晏溫

如淳曰三輔謂日晏而溫乃有黃雲改為異也

師古曰中讀曰仲即今雲陽之中山也下云合茲中山亦同也

有黃雲焉有鹿過上自

射之因之以祭云至長安公卿大夫皆議尊寶鼎天子

曰間者河溢歲數不登故巡祭后土祈為百姓育穀今

年豐楹未報鼎曷為出哉

師古曰楹美也言稼穡美也未報者獲年豐而未報寶也

一曰雖祈穀而未獲年豐之報其下張
故引此詔文云穀暵未報暵者少也

有司皆言聞昔

泰帝興神鼎一

師古曰泰帝即泰昊伏羲氏也

一者一統天地萬物所

繫象也黃帝作寶鼎三象天地人禹收九牧之金

師古曰九

牧九州之牧也

鑄九鼎象九州皆嘗鬻亨上帝鬼神

服虔曰以享祀上帝

師古曰鬻亨一也鬻亨煮而祀也韓詩采

其空足曰鬲

蕝林曰禹音歷足中空不實者名曰鬲也

以象三德

如淳曰鼎有三足故也三德三正之德師古曰

如說非也三德一曰正直二曰剛克三曰柔克事見周書洪範

饗承天祐

師古曰祐福也音恬

夏德衰鼎遷於殷殷德衰鼎遷于周周德衰鼎遷於秦

秦德衰宋之社亡鼎乃淪伏而不見

史記周紀云秦取九鼎寶器秦紀昭

襄王五十二年九鼎入秦年表顯王三十三年宋太丘社亡秦興師求九鼎見戰國策秦紀始皇二十八年過

彭城齋戒禱祠欲出周鼎泗水使千人沒水求之弗得

封禪書文帝後元年新垣平言曰周鼎亡在泗水中

今河溢通泗臣望東北汾陰直有金寶氣意周鼎其出乎上使治廟汾陰南欲祠出周鼎注徐廣曰後三十七

年鼎出 汾陰 周頌曰自堂徂基自羊徂牛鼎鼎及鼎不吳不

敦胡考之休

師古曰周頌絲衣之詩也基門塾之基也鼎絕大者謂之鼐圖弁謂之鼐吳謹諱也

敦慢也考壽也休美也言執祭事者或升堂室或之門塾視羊牛之牲及舉大小之鼎告其致潔神降之福故

獲壽考之美曰何壽之美何壽之美者歎之之言也鼐乃代反鼐音齒敦讀曰傲 詩注大鼎謂之鼐小鼎謂

今鼎至甘泉以光潤龍變承休無疆合茲中山有黃

白雲降

師古曰言鼎至甘泉之後光潤變見若龍之神能幽能明能小能大承此休福無窮竟也有黃

白雲降與初至中山黃雲之瑞相合也

蓋若獸為符

服虔曰雲若獸在車蓋也晉灼曰蓋辭也

符謂鹿也師古曰二說非也蓋發語辭言甘泉之雲又若獸形以為符瑞也

路弓乘矢集獲

壇下

李奇曰宜言盧弓韋昭曰路大也四矢曰乘師古曰韋說是也又於壇下獲弓矢之應

報祠

大亨唯受命而帝者心知其意而合德焉

服虔曰高祖受命知之宜見鼎

于其廟也師古曰合德與天合德

鼎宜視宗禰廟臧於帝庭以合明應

師古曰視讀曰示宗謂先帝有德可尊者禰父廟也帝庭甘泉天神之庭

制曰可其秋上雍

且郊

師古曰雍地形高故云上也音時掌反

或曰五帝泰一之佐也宜立

泰一而上親郊之上疑未定齊人公孫卿曰今年得寶

鼎其冬辛巳朔旦冬至與黃帝時等

師古曰等同也

卿有札書

師古曰札木簡之薄小者也

曰黃帝得寶鼎冕侯問於鬼臾區

師古曰鬼

臾區黃帝臣也藝文志云鬼容區而此志作臾區臾容替相近蓋一也今流俗本臾字作申字非也

鬼臾

區對曰黃帝得寶鼎神策是歲巳酉朔旦冬至得天之

紀終而復始於是黃帝迎日推策

晉灼曰迎數之也臣瓚曰日月朔望未來

而推之故曰迎日

後率二十歲復朔旦冬至凡二十推三百八十

年黃帝仙登於天卿因所忠欲奏之

師古曰所忠人姓名也解在食貨志

所忠視其書不經

師古曰不合聖典也

疑其妄言謝曰寶鼎事已

決矣尚何以為

師古曰謂不須更言之

卿因嬖人奏之上大說

師古

曰說讀曰悅

廼名卿對曰受此書申公申公已死上曰申公

何人也卿曰齊人與安期生通受黃帝言無書獨有此

鼎書云云黃帝采首山銅鑄鼎於荆山下

晉灼曰地理志首山屬河

東蒲坂荆山在馮翊懷德縣也

鼎既成有龍垂胡顛下迎黃帝

師古曰胡謂顛

下垂肉也顛其毛也音人占反

黃帝上騎羣臣後宮從上龍七十餘人

龍迺上去餘小臣不得上迺悉持龍顛龍顛拔墮墮黃

帝之弓百姓印望

師古曰印讀曰仰

黃帝既上天乃抱其弓與

龍顛號故後世因名其處曰鼎湖其弓曰烏號 吾丘

壽王傳汾陰得寶鼎武帝嘉之薦見宗廟臧於甘泉宮

羣臣皆上壽賀曰陛下得周鼎壽王獨曰非周鼎天祚

有德而寶鼎自出此天與漢迺漢寶非周寶也 郊祀

歌景星十二元鼎五年得鼎汾陰作汾陰出鼎皇祐元

始

張敞云鼎大八尺一寸高三尺六寸

漢鼎官

東方朔傳夏育為鼎官注今殿前舉鼎官

漢美陽鼎

周瑀戈

郊祀志宣帝時美陽得鼎獻之

師古曰美陽扶風之縣也

下有司議

多以為宜薦見宗廟如元鼎時故事張敞好古文字按鼎銘勒而上議曰臣聞周祖始乎后稷后稷封于簾公劉發迹於豳太王建國於郊梁文武興于豐鎬由此言之則郊梁豐鎬之間周舊居也固宜有宗廟壇場祭祀

之臧今鼎出於邾東中有刻書曰王命尸臣官此柎邑

師古曰尸臣主事之臣也
柎邑即函地是也柎音荀

賜爾旂鸞黼黻璋戈

師古曰
璋戈刻

鏤之
戈也

尸臣拜手稽首曰敢對揚天子丕顯休命臣愚不

足以迹古文竊以傳記言之此鼎殆周之所以褒賜大

臣大臣子孫刻銘其先功藏之於官廟也昔寶鼎之出

於汾睢也河東太守以聞詔曰朕巡祭后土祈為百姓

蒙豐年今穀暎未報鼎焉為出哉博聞耆老意舊臧歟

誠欲攷得事實也有司驗睢上非舊臧處鼎大八

尺一寸高三尺六寸殊異於衆鼎今此鼎細小又

有款識不宜薦見於宗廟制曰京兆尹議是

神爵年中

當攷

漢鼎

蘇軾漢鼎銘善夫吾丘壽王之說曰汾陰之鼎漢鼎也

非周鼎夫周有鼎漢亦有鼎此易所謂正位凝命者豈

三趾兩耳之謂哉 郊祀志神爵元年為周康寶鼎於

未央宮中

劉敞曰似汾上所獲鼎也

漢王雒山寶鼎 廟鼎 寶鼎詩

紀明帝永平六年二月王雒山出寶鼎

宋志云雒
或作雒

廬江

太守獻之夏四月甲子詔曰昔禹收九牧之金鑄鼎以象物使人知神姦不逢惡氣遭德則興遷于商周周德

既哀鼎乃淪亡

注史記曰周鼎亡入泗水中秦始皇過彭城齋戒欲出周鼎於泗水使千人沒

水求之不得

祥瑞之降以應有德方今政化多僻何以致茲

易曰鼎象三公豈公卿奉職得其理邪太常以其初祭

之日

禮記曰夏祭曰初

陳鼎于廟以備器用賜三公帛五十匹

九卿三千石半之 班孟堅寶鼎詩嶽修貢兮川效珍
吐金景兮歆浮雲寶鼎見兮色紛縕煥其炳兮被龍文
登祖廟兮享聖神昭靈德兮彌億年 東觀記廬江獻
鼎詔名鄭衆問齊桓公之鼎在柏寢臺見何書春秋左
氏有鼎事幾衆對狀除郎中 郡國志汝南桐陽注皇
覽曰永平中葛陂城北祝里社下於土中得銅鼎而銘曰
楚武王之冢

漢古鼎

仲山甫鼎

竇憲傳和帝永元元年秋七月車騎將軍竇憲伐單于

大敗之稽落山憲登燕然山勒石紀功南單于於漠北

遺憲古鼎容五斗其傍銘曰仲山甫鼎其萬年子子孫

孫永保用憲乃上之

時憲登燕然山勒功也 憲舉羌胡
邊雜之師一舉而空朔庭 追奔稽落

之表飲馬北靺之曲銘石負鼎薦
告清廟列其功庸茂於前多矣

崔子玉有竇大將軍

鼎銘曰持盈若冲滿而不溢黃耳不革玉鉉終吉禹鏤

其鼎湯刻其盤紀功申戒貽則後人 說文序曰郡國

往往於山川得鼎彝其銘即前代之古文

漢橋公三鼎銘

又見銘類

橋玄三鼎東鼎銘曰維建寧二年秋八月丁丑延公入于玉堂前廷乃詔曰其以大鴻臚橋玄為司空中鼎銘曰四年延公登于玉堂前廷其以為司徒西鼎銘曰光和元年延公入崇德前殿乃制詔曰其以光祿大夫橋玄為太尉又黃鉞銘云拜度遼將軍始受旌鉞征鼓之任是用鏤石作茲征鉞軍鼓陳之東階以昭公文武之勳焉 蔡邕集橋公廟碑云文德銘于三鼎武功勒于

征鉞

魏五熟釜周九寶

魏神鐘寶鼎

魏志魏國初建鍾繇為相國文帝在東宮賜繇五熟釜
為之銘注魏略云太子與繇書曰昔有黃三鼎周之九
寶咸以一體使調一味豈若斯釜五味時芳夫周之尸
臣宋之考父衛之孔悝晉之魏顥彼四臣者並以功德
勒銘鍾鼎今執事寅亮大魏以隆聖化堂堂之德于斯
為盛誠太常之所宜銘彝鼎之所宜勒故作斯銘勒之

釜口云云 魏曹植作文帝誄曰神鍾寶鼎形自舊土
雲英甘露纖塗被宇 宋志陳思王大魏篇黃鵠遊殿
前神鼎周四阿

晉玉鼎頌

宋志晉成帝咸和元年十月辛卯宣城春穀縣山岍摧
獲石鼎重二斤受斛餘咸康八年九月廬江春穀縣留
珪夜見門內有光取得玉鼎一枚外圍四寸豫州刺史
路永以獻著作郎曹毗上玉鼎頌

晉陽秋曰穀成縣
民此文明之應

宋元嘉古鼎 神鼎

符瑞志元嘉十三年四月辛丑武昌縣章山出神鼎江
州刺史南譙王義宣以獻二十一年十二月新陽獲古
鼎有篆書四十二字雍州刺史蕭思話以獻泰始五年
五月壬戌豫章南昌獲古銅鼎容斛七斗江州刺史王
景文以獻七年六月甲寅義陽郡獲銅鼎受一斛并蓋
竝隱起鏤豫州刺史段仁榮以獻 吳赤烏十二年六
月戊戌寶鼎出臨平湖又出東部郵縣 南齊永明二

年丹水上下得古鼎一枚

唐古鼎銘

闕四字

貞觀二十二年九月遂州涪水中獲古鼎受

五石三斗傍有銘刻

警若洪鐘

開元十三年十月壬申萬年

人工慶築垣掘地獲寶鼎五獻之四鼎皆有銘銘曰垂

作尊鼎萬福無疆子孫永寶用二十一年六月庚子眉

州獻寶鼎重七百斤無耳足有篆書數字

天寶元年五月平涼

獲古鐵鼎獻之

元和二年正月詔以湖南所獻古鼎付有司初

永州人唐履昌得之重一百十二斤 白虎通云澤

出神鼎

唐東都九鼎銘

元宗開元二年八月十八日乙酉太子賓客薛謙光獻

東都九鼎銘其蔡

一作豫

州鼎銘武后所製文曰上天降

祉方建隆基宰相姚崇等奏聖人啟運休兆必彰故化

馬為龍預流謠頌秀為天子早著冥符請宣付史官頌

示內外從之 通典武后萬歲通天元年四月三日鑄九

鼎成置於明堂之庭

鼎上寫山川物產之象
又造大儀鍾不成

紀神功

元年四月戊辰置九鼎于通天宮

各位其方
列廷中

文粹有

并州長史張仁旦進九鼎銘表

傳鍾紹京善書武后

時銘九鼎其筆也

李泌天寶中獻明堂九鼎議志

許康佐九鼎記四卷

唐開元寶鼎

地理志河中府寶鼎縣本汾陰開元十年獲寶鼎更名

有后土祠

舊史十一年獲鼎改縣名
冊府玄龜云獲古銅鼎二其大者容一斗

會要

開元十二年二月二十二日

紀十一年二月壬午會要恐誤

祠后土

初有司奏修壇獲銅鼎二大者容四升小者容一升色皆青 舊史開元二十二年四月丁未眉州鼎皇山江水得寶鼎 盧庾梓潼神鼎賦不假雕鐫宛然文字

咸平古銅鼎 甌

咸平三年九月丙戌

會要作八月實錄作九月

乾州獻古銅鼎狀方

而四足上有古文二十一字直昭文館句中正

或作屯田郎中

與杜鎬詳其文曰維六月初吉史信父作鬻甌期萬年

子子孫孫永寶用中正等言按墨子云夏后鑄鼎四足而方春秋傳云晉侯賜子產二方鼎此其類也又說文

云甗甗也爾雅曰甗謂之鬻詩云漑之釜鬻此所獲

無疆之兆請紀史冊傳示千載從之是歲八月庚申同州民獲古銅斗於

河濱趙明誠曰方鼎與甗是兩物

祥符古鼎

寶錄祥符五年十二月辛未南康軍獻古鼎有篆字人

莫能識

皇祐銅鼎 鸞刀 銘

皇祐五年九月戊寅

一作丙寅

鑄鼎十有二圓丘用五宗廟

七又作鸞刀郊廟各一初賈昌朝侍經筵帝問鼎卦聖

人亨以享上帝今郊何以無鼎昌朝不能對曰容退而

講求於是詔禮官議以為郊有亨牲進熟遂命阮逸胡

瑗鑄銅鼎制鸞刀帝親書刻之牛鼎容一斛羊鼎五斗

豕鼎三斗乙酉

十九日

御崇政殿觀新樂及新作晉鼓三

牲鼎鸞刀以補禮器之闕

劉敞為新律鍾鼎鸞刀銘

四章鼎銘曰帝興神鼎象天地人赫赫神鼎聿維國珍
光潤龍變其德日新 建隆中聶崇義上重集三禮圖
尹拙有祭玉祭鼎異同之說而張昭奏請圖釜鑊於鼎
下 元豐元年詳定禮文所議圓丘用犢不設羊豕鼎
及俎奏罷之

皇祐三鼎

禮志皇祐五年閏月制三鼎鸞刀郊壇正配二位太廟
七室牛羊豕鼎各一郊十二鼎局無文飾廟二十一鼎

三聖加三鼎奉慈后廟分命大臣行禮常祀公卿攝事
十鼎皆塗金局以玉飾 天文志有周鼎三星在右攝
提比西國之神器也

崇寧九鼎 隆鼎銘 商六鼎

崇寧二年二月以魏漢津言鑄鼎四年三月戊午成中
曰帝鼎八方曰蒼彤晶寶魁阜牡岡上為鼎銘八鼎命
宰臣撰於中太一宮南為九殿奉安名曰九成宮大觀
元年鄭居中上鼎書一卷政和六年徙大內建圓象徽

調閣藏之改帝鼎曰隆鼎八鼎曰育明藏寶健順赫潔

宣和元年三月庚戌安州得商六鼎上之

大觀三年以
鑄鼎之地作

寶成宮政和七年又鑄神霄九鼎明年成
寘于上清寶錄宮神霄殿遂為十八鼎

崇寧鼎書

書目一卷九鼎制度并銘文帝鼎銘御製餘八鼎銘宰

臣撰

政和宗祀三鼎

政和七年四月十八日禮制局言宗廟用九鼎其三為

牲六為庶羞周頌我將云云明堂所用牲而已庶羞之鼎不當設元豐奉祀禮文明堂正配各用牛一羊一豕一請宗祀止用三鼎而不設庶羞之鼎其俎亦用六方於郊為文方於廟為質博古圖歷代之鼎形制不一有腹著饗饗而間以雷紋者父乙鼎父癸鼎之類是也有鍊色如金著飾簡美者辛鼎癸鼎之類是也有緣飾旋花奇古可愛者象形鼎橫戈父癸鼎之類是也有密布花雲或作雲雷迅疾之

狀者晉姜鼎雲雷鼎之類是也有隱起饕餮間以雲龍
或作細乳者亞虎父丁鼎文王鼎王伯鼎之類是也或
如孟鼎之侈口中鼎之無文伯碩史頊鼎之至大金銀
錯鼎之絕小或自方如簠或分底如鬲或設蓋如敦曰
崇曰貫則名其國也曰讒曰刑則著其事也曰牢曰陪
則設之異也曰神曰寶則重之極也 商鼎二十六乙父
至公非 父乙鼎銘三 周文王鼎銘曰魯公作文王
十字冊命鼎銘十一字 晉姜鼎銘一百二十一字取乃吉金
尊彝仲忽于元 祐間進之

用作寶尊鼎用斲綰綽眉壽保其子孫三壽是利云云

伯碩父鼎銘五十字惟六年八月初吉巳子史伯碩
父追孝于朕皇考釐仲王母乳母尊鼎用祈丕百祿眉
壽綰綽永命萬年無疆子子孫孫永寶用享 史頊鼎

銘四十三字 王伯鼎銘曰王伯作寶彝鼎 季嬪鼎

銘四十九字 中鼎銘曰中作寶鼎 南宮中鼎銘六

十二字又銘三十九字又銘曰惟王命南宮伐反虎方

之年王命中先相南國貫行藝王居在射圃真山中呼歸

生刊王甄刊寶彛穆公鼎得於華陰銘二百十二字

不可

辨者八
十二字

父巳鼎銘二十八字

雖公緘鼎銘曰惟十有

四月既死霸王在下保

一作
都

雖公緘作尊鼎用追享孝

于皇祖考用乞康壽萬年無疆子子孫孫永寶用

一云
商洛

鼎劉敞得
于上雒

叔液鼎銘曰惟五月庚申叔液自作饋鼎

用斲眉壽萬年無疆永壽用之 伯郵父鼎銘曰晉司

徒伯郵父作周姬寶尊鼎其萬年永寶用 宋鼎銘曰

宋公緘作餽鼎

宋夫人鼎銘曰宋君夫人之餽釘鼎

漢孝成鼎銘五十六字長安厨孝成廟銅鼎容三
斗一合建平三年十月工王褒造左丞輔掾譚守令
史永省第一 好時供厨鼎銘曰長樂飼官太官中
丞 汾陰宮鼎銘曰汾陰供官銅鼎二十枚又曰汾
陰宮銅鼎一又曰平陽一斗鼎 定陶鼎蓋有高廟
二字又曰定陶廟容十斗 唐三螭鼎 劉敞得鼎
韓城銘文有晉姜有文侯釋其名以今文以為曲沃
宗廟器又得汾陰侯鼎于鄆縣似古陪鼎

汾陰侯蓋
漢周昌

形之圜者如父癸李嬪形之方者如文王單景其銘乃

曰作尊彝作從彝何也法度之器曰彝器尊彝者禮器之總名

博古圖母乙鬲茂教鬲伯鬲帛女鬲師鬲慧季丁父京

姜鬲皆有銘 仲父鬲銘曰仲父作尊鬲子子孫孫其

萬年永寶用 爾雅鼎款足謂之鬲漢志空足曰鬲以象三德

阜父丁盃銘共

六字 又盃銘曰孫父癸 散季敦銘惟王四年八月

初吉丁亥散季肇作朕王母叔姜寶敦散季其萬萬年

子子孫孫永寶 毀敦銘惟王元年正月初吉丁亥伯

蘇父若曰師毀乃祖考有婚于我家汝右惟小子余命
汝死我家繼治我西偏東偏僕馭百工牧臣妾東裁內
外毋敢不善錫汝戈矛戟縞必彤侯矢十五罇鍾一五
金鈇乃夙夜用事毀拜稽首敢對揚皇君休用作朕文
考乙仲蠶敦毀其萬年子子孫孫永寶用享 敵敦銘
惟王十月王在成周南淮節趨及內伐浪昴王命敵追
迎于上洛執僂白雜孚人三百十有一月王格于成周
太廟武公入佑敵告禽馘百僂白尹氏受釐敵圭鬲幣

貝五十朋錫田于斂五十田于早五十田于敵敵對揚天子休用作尊敦敵其萬年子子孫孫永寶用 宰辟父敦銘惟四月初吉王在辟宮宰辟父佐周位王冊命周曰錫汝華朱芾玄衣束帶於篋革錫戈琫戟彤戾矢用養乃祖考事官嗣節僕小射底敦周稽首對揚王休命用作文考寶敦其孫孫子子永寶用 刺公敦銘伯據祖肇作皇考刺公尊敦用享用孝萬年眉壽駿在位子子孫孫永寶 毛父敦銘惟六月既生魄戊戌旦王格

于太室師毛父即位邢伯佑內史冊命錫赤芾對揚王

休用作寶敦其萬年子子孫其永寶用

邢敦亦云毛伯內門立中庭佑

孟姜敦銘叔孫父作孟姜尊敦綰綽眉壽永命彌生

萬年無疆子子孫孫永寶用享

父巳甌銘三字又銘

七字 父乙甌銘曰子父乙虎

祖巳甌銘曰作祖巳

尊彝癸

易卦獨於鼎言象圓象陽方象陰三足象三

公四足象四輔

光涵沒泗氣溢歆汾

取乃吉金用

作寶尊鼎牛首之鑄泗水之亡

所謂正位凝命者

在乎明尊卑之分成教命之嚴豈區區三趾兩耳之間
哉 苞木火於六爻之象鑊山川於九牧之金 影射
金晶光飛玉鉉 煥彼龍文昭其象物 峙其足以象
三德虛其心以含萬類內亨飪以養賢上歆雲而作瑞
黃耳才之中金鉉才之斷

玉海卷八十八